

永樂大典

卷兩萬兩千五百

七十六

永樂大典卷之二萬二千五百七十六

九

集

大方等大集經十

海慧菩薩品第五之三。爾時世尊復告海慧菩薩言。善男子。有二法利
益大乘。一者樂念佛法。二者樂離聲聞。復有二法。一者擁護解脫。二者能
演說法。復有二法。一者求菩提心。二者調伏眾生。復有二法。一者觀菩提
心。猶如幻相。二者觀諸眾生悉無有我。復有二法。一者不捨菩提之心。二
者觀法平等。復有二法。一者淨於善根。二者無作無淨。復有二法。一者為
善法故。而修莊嚴。二者畢竟。復有二法。一者自身畢竟。二者眾生畢竟。復
有二法。一者內淨。二者外淨。復有二法。一不作罪。二作已悔。復有二法。一
能布施。二不求報。復有二法。一平等施。二能迴向。復有二法。一者持戒。二
者不求善果。復有二法。一不自譽。二不毀他。復有二法。一者忍辱。二者深
語。復有二法。一者於貪不貪。二者於瞋不瞋。復有二法。一者為於善法勤
行精進。二者不輕懈怠。復有二法。一身寂靜。二心寂靜。復有二法。一求擇
杖。二調伏心。復有二法。一者樂在禪定。二者不取欲界。復有二法。一者求

永樂大典卷之二萬二千五百七十六

法。二者樂法。復有二法。一者觀法。二者欲法。復有二法。一者樂不善友。二
者恭敬供養。復有二法。一至心聽。二至心受。復有二法。一數詰問。二如法
住。復有二法。一者知法。二者知義。復有二法。一者聞已無厭。二者知已無
厭。復有二法。一者修善。二者離惡。復有二法。一者樂說正法。二者於受法
者生憐愍心。復有二法。一者於法無慳吝心。二者說時無有貪想。復有二
法。一至心聽。二至心受。復有二法。一離五蓋。二修七覺。復有二法。一者喜
二者樂。復有二法。一者知己。二者知時。復有二法。一信果報。二作善業。復
有二法。一者不斷聖性。二者實語。復有二法。一者如說而住。二者不藏如
來功德。復有二法。一者淨身。二者遠離三不善根。復有二法。一者觀身猶
如草木。二者為淨心故。修行善法。復有二法。一者淨口。二者遠離四過。復
有二法。一者觀一切法悉不可說。二者觀聲如響。復有二法。一者淨心。二
者遠離無明。城如邪見。復有二法。一者內淨。二者外無行處。復有二法。一
者修慈。二者遠離親怨之想。復有二法。一觀眾生猶如虛空。二者修慈。復
有二法。一者不捨悲心。二者求善不悔。復有二法。一者能調不調。二者調
時不悔。復有二法。一者持法。二者護持法者。復有二法。一者樂法。二者護
法。復有二法。一者稱揚人善。二者樂藏他過。復有二法。一者離貪。二者離

永樂大典

卷二二五七六

瞋。復有二法。一者不捨眾生。二者修捨。復有二法。一者念佛。二者如無念處。復有二法。一者觀身無常。二者求三十二相。復有二法。一者念法。二者化諸眾生令住法中。復有二法。一者觀無貪處。二者於貪者生於悲心。復有二法。一者念菩薩僧。二者依無退僧。復有二法。一者觀於無僧。二者拂復四沙門果。復有二法。一者念戒。二者知菩提心不可宣說。復有二法。一者觀戒無作。二者護毀禁者。復有二法。一者念施。二者施已無悔。復有二法。一者遠離煩惱。二者離煩惱故。演說正法。復有二法。一者念天。二樂寂靜。復有二法。一者具足念心。二者拂護亂心。復有二法。一者功德莊嚴。二者智慧莊嚴。復有二法。一者觀無造作。二者樂修善法。復有二法。一者無縛。二者縛著解脫。復有二法。一者遠離誑心。二者至心修淨。復有二法。一者知息。二者念息。復有二法。一者說一切過。二者而遠離之。復有二法。一者自修聖行。二者化他令行。復有二法。一者願求善法。二者心無厭足。復有二法。一者遠離惡法。二者親近善法。復有二法。一者請佛說法。二者至心聽受。復有二法。一者知一切法不生不滅。二者說字句義。復有二法。一者知無眾生。二者以已善根與眾生共。復有二法。一者遠離諸相。二者深求三十二相。復有二法。一者觀空。二者將護眾生。復有二法。一者修習無

願。二者願及眾生。復有二法。一者修一切善。二者願諸眾生同修善根。復有二法。一者智慧無礙。二者受諸有身。復有二法。一者不動。二者不悔。復有二法。一者慚。二者愧。復有二法。一樂寂靜。二求靜法。復有二法。一者修習無諍三昧。二者觀無眾生。復有二法。一者少欲。二者知足。復有二法。一者覆藏他罪。二者顯露已過。復有二法。一者觀十二因緣。二者深信。復有二法。一者無我。二者無眾生。復有二法。一者防自煩惱。二者壞他煩惱。復有二法。一者觀無作無受。二者樂修善法。復有二法。一者觀生死過。二者不斷生死。復有二法。一者自樂生死。二者化諸眾生令度生死。復有二法。一者求波羅蜜。二者求已無處。復有二法。一者求知。二者化他令已知。復有二法。一者不求供養。二者為供養故。造作諸業。復有二法。一者於有恩處常欲報之。二者於恩無恩等而報之。復有二法。一者修不放逸。二者修無緣慈。復有二法。一者入於出家。二者既出家已。心生愛樂。復有二法。一者自成功德。二者於無德者生憐愍心。復有二法。一者修於身念。二者無有念處。復有二法。一者念於受處。二者無有念處。復有二法。一者念於心處。二者無有念處。復有二法。一者念於法處。二者無有念處。復有二法。一者遠離不善之法。二者親近能生善法。復有二法。一者遠離已生惡法。

二者護持已生善法。復有二法。一者為令未生善法得生。二者為令增廣而擁護之。復有二法。一者獲大神通。二者得已教化眾生。復有二法。一者安住法界。二者遍見諸佛世界。復有二法。一者信心不動。二者化不信者。令同已信。復有二法。一者淨心。二者教化狂亂之人。復有二法。一勤精進。二化懈怠。復有二法。一者具足無礙智慧。二者化彼無明眾生。復有二法。一者觀界。二者觀緣。復有二法。一者求智莊嚴。二者其心不悔。復有二法。一者觀諸煩惱。二者出煩惱已。了知解脫。復有二法。一者一切法解脫。二者煩惱不合三界。復有二法。一者莊嚴菩提。二者修學菩提。復有二法。一者盡智。二無生智。復有二法。一者觀聖道方便。二者觀生死方便。復有二法。一者畢竟道。二者知退轉道。復有二法。一者如法而住。二者於諸法中不生著見。復有二法。一者從緣生滅。二者從緣解脫。復有二法。一知魔業。二知己釋。復有二法。一者於慧生忍。二者於忍生愛。復有二法。一者為菩提故而修莊嚴。二者雖修莊嚴心無貪著。復有二法。一者不捨煩惱。二者不捨修善莊嚴。復有二法。一者知處非處。二者以諸善根迴向菩提。復有二法。一者觀菩提心猶如幻相。二者修向無上菩提莊嚴。復有二法。一者觀諸眾生。及以菩提等無差別。二者知諸眾生。因緣菩提而得解脫。復有

永樂大典卷三萬二千五百七十六

三

二法。一者知法無生。二者為生善法而修莊嚴。復有二法。一者不可說法而能宣說。二者一切眾生悉同一乘。復有三法。一者初發菩提之心。二者親近善友心不生悔。三者修習大悲心不退轉。復有三法。一者破壞障障。二者惠施一切。三者攝取菩提。復有三法。一者具足淨戒。二者調毀業者。三者迴向善提。復有三法。一者心無瞋恨。二者調順恚者。三者迴向善提。復有三法。一者於生死中心無悔退。二者甘樂營他所作事業。三者迴向善提。復有三法。一者得三昧定。二者不生憍慢。三者迴向善提。復有三法。一者生緣。二者法緣。三者無緣。復有三法。一者自悲。二者悲他。三者離自他悲。復有三法。一者為於自利修習智慧。二者以是智慧轉化眾生。三者自利利他。復有三法。一者知過去已盡。二者知未來無生。三者知現在無住。復有三法。一者為正定者修習慈心。二者為邪定者修習悲心。三者為不定者修習解脫。復有三法。一者淨身。二者淨口。三者淨意。復有三法。一者修不淨觀。為壞貪欲。二者修慈。為壞瞋恚。三者觀十二因緣。為壞無明。復有三法。一者安。二者樂。三者知足。復有三法。一者聞已能持。二者能廣分別。文字句義。三者觀察罪過。復有三法。一者具足七財。二者能大法施。三者能施

眾生復有三法。一者實義。二者真義。三不誑義。復有三法。一者自知。二者知他。三者知時。復有三法。一者五陰。法陰平等。二者諸界。法界平等。三者諸入。法入平等。復有三法。一者修空。二者無相。三者無願。復有三法。一者不訪因果。二者方便。生法皆從因緣。三者和合。因緣而得名字。復有三法。一者信佛不可思議。二者信法不生誹謗。三者信僧良祐福田。復有三法。一者遠離貪欲。二者遠離瞋恚。三者遠離愚癡。復有三法。一者世諦。二者第一義諦。三者不著二諦。復有三法。一者遠離煩惱。二者遠離憍慢。三者於福田所禮拜供養。復有三法。一者不染欲界。二者不著色界。三者於無色界不生憍慢。復有三法。一者供養不喜。二者毀辱不恚。三者離世八法。復有三法。一者藏覆諸根。二者解了諸根。三者寂靜諸根。復有三法。一者趣向善地。二者離善地障。三者觀善地德。復有三法。一者至心。二者淨心。三者淨莊嚴。復有三法。一者學戒。二者學心。三者學慧。戒復有三法。一者受樂不生貪逸。二者受苦不生惱恚。三者不苦不樂。修習於捨。復有三法。一者轉因不造作。故。二者轉於煩惱不觀相。故。三者轉於三世無願求。故。復有三法。一者眼空。二者色寂靜。三者受無作處。復有三法。一者藏戒。二者護定。三者觀慧。復有三法。一者憶持念法。二者思惟觀法。三者如

法而住。復有三法。一者音聲。因緣。聲聞。解脫。二者十二因緣。緣覺。解脫。三者六度。因緣。菩薩。解脫。復有三法。一者施。二者大施。三者畢竟施。復有三法。一者護法。二者護持法者。三者護持大乘。復有三法。一者行於生死。二者觀其罪過。三者知己。遠離。復有三法。一者至心。聽法。破除五蓋。二者常樂寂靜。三者如法而住。復有三法。一者依義。二者依法。三者依智。復有三法。一者求多聞。已。樂於寂靜。二者樂寂靜。已。思惟善法。三者善思惟。已。知法平等。復有三法。一者親近智者。二者諮問多聞。三者護於善人。復有三法。一者無貪心。為人說法。二見聽者。慈心視之。三者一心。觀於菩提。復有三法。一者視諸眾生。其心平等。二者觀心平等。三者觀佛平等。復有三法。一者過去不盡。二者未來不念。三者現在不住。復有三法。一者觀苦無常。二者諸法無我。三者涅槃寂靜。復有三法。一者聞已堅持。二者三昧堅持。三者智慧堅持。復有三法。一者化已不覆。二者悔先所犯。三者至心護戒。復有三法。一者破壞疑心。二者破壞悔心。三者破壞礙心。復有三法。一者善欲。二者離談世事。三者樂於寂靜。復有三法。一者忌甚深法。二者說甚深義。三者解種種義。復有三法。一者具足聲息。二者具思惟忍。三者具於順忍。復有三法。一者智慧方便。二者大慈。三者精進堅牢。善男子。菩薩具足

永樂大典

卷二二五七六

如是等法。能利大乘。善男子。有四法障礙大乘。何等為四。一者聽不應聽。二者不欲聽。受菩薩法藏。三者行諸魔業。四者誹謗正法。復有四法。一者貪欲。二者瞋恚。三者愚癡。四者不樂求法。復有四法。一者嫉他得利。二者於財慳貪。三者樂誑法師。四者不樂親近。見善知識。復有四法。一者於善知識生惡友想。二者於惡知識生善友想。三者非法法想。四者法非法想。復有四法。一者不樂惠施。二者施已生悔。三者施已觀過。四者不念菩提心。復有四法。一者為欸而施。二者為瞋而施。三者為癡而施。四者為畏而施。復有四法。一者為名字施。二者為本而施。三者為善友施。四者為勝飲施。復有四法。一者不至心施。二者不自手施。三者不現見施。四者輕慢施。復有四法。一者下物施。二少物施。三不至心施。四者輕慢施。復有四法。一者毒施。二者刀施。三者不淨施。四者無利益施。復有四法。一者見持戒者生瞋恚心。二者見毀禁者生愛念心。三者隨惡友語。四者不念戒戒。復有四法。一者非法求利。二者如法得財不與人共。三者斷他供養。四者心不足。復有四法。一者為利養故。攝持威儀。二者為利養故。下聲而語。三者其心諂曲。四者邪命自活。復有四法。一者於同學所生瞋恚心。二者於同來者生瞋恚心。三者不知魔業。四者樂說他過。復有四法。一者憍慢不聽正

法。二者不能恭敬法師。三者不能禮拜父母師長善友。四者意隨惡業。復有四法。一者覆他功德。二者廣說他過。三者增長憍慢。四者瞋恚堅固。復有四法。一者懈怠。二者不樂聽聞善語。三者不隨順語。四者住於非法。復有四法。一者不調。二者不淨。三者不藏。四者不忍。復有四法。一者不善聞受無上善法。二者樂在城邑聚落村營。三者毀破禁戒樂受供養。四者不能調伏根門。復有四法。一者不能攝取眾生。二者不能調伏眾生。三者不能護持正法。四者樂說法師過罪。復有四法。一者不修信心。二者不能觀察生死罪過。二者不觀惡知識過。四者不觀疑心罪過。復有四法。一不觀內。二不觀外。三者無慚。四者無愧。復有四法。一不知恩。二不報恩。三者背恩。四樂邪見。復有四法。一者誹謗聖人。二者持護世人。三者不信禍因。四者呵毀佛法。復有四法。一者不淨身業。二者不護口業。三者不捨意業。四者取悔大乘。復有四法。一者為破和合而作兩舌。二者於師和尚出瞋惡語。三者為壞利益作無義語。四者欺誑人天而生妄語。復有四法。一者不護戒因。二者亂禪定因。三者不信後世。四者樂著世事。復有四法。一者贏穢。二者憍慢。三者樂說世事。四者常樂瞋罵。復有四法。一者假善。二名而受供養。二者不能瞻視病苦之人。三者不種善子。四者不向菩提。復有四

永樂大典

卷三二五七六

法。一者自輕。二者輕法。三者輕福。四者輕念聲聞辟支佛乘。復有四法。一者貪身。二者貪心。三者貪命。四者貪戒。復有四法。一貪房舍。二貪禮越。三貪邪見。四貪破戒。復有四法。一者多作。二者多語。三者多受。四者多視。復有四法。一者我見。二者邪見。三者斷見。四者常見。復有四法。一者不作。二者作已轉。三者心悔。四者不樂。復有四法。一者不向道地。二者不修禪定。三者遺失智慧。四者不樂方便。復有四法。一者障礙於法。二者障礙善業。三者煩惱障礙。四者魔業障礙。善男子。如是等法。名障大乘。說是法時。四萬四千人天。發阿耨多羅三藐三菩提心。二萬八千菩薩。得無生法忍。三千大千世界。大地六種震動虛空之中。無量天人異口同音作如是言。善哉善哉。世尊。今日如來大師子吼。憐愍衆生。開大乘門。世尊。若有衆生。於是法中得少分者。即得斷除三惡道苦。漸漸當得無量法寶。世尊。譬如有人於村邑外。見太寶聚。見已憐愍。即運入村。告諸衆人。誰欲斷貪。當與我供。是人說時。或有信者。或不信者。其中信者。即與相隨。俱至寶所。隨意採取。即破貧苦。而是寶聚。亦無增減。亦不念言。聽是人取。不聽彼人。彼是人貧。不使彼人。聽是持去。不聽彼持。如來世尊。亦復如是。於無量世。勤求如是無上法寶。求已得見。生大憐愍。以大梵音。語諸衆生。若有欲壞生死貧窮。當至心聽。有諸衆生。薄福不信。則不能壞生死貧窮。其中信者。隨任智力。取聲聞乘。辟支佛乘。菩薩大乘。是大寶聚。亦無增減。若有至此寶聚之中。乃至不能取一寶者。是人常住三惡道中。若有能取一字一偈。乃至一念受持之者。是人能壞生死貧窮。何況取是大乘經典一品二品。及其具足聽受讀誦。為人解說。爾時世尊。讚諸天人。善哉善哉。諸天子。若有受持如是經典。是人則具一切善法。頂戴如來無上佛智。是大智聚。能大利益無量衆生。爾時世尊。即說頌曰。諸乘之中大乘最。猶如虛空無遺際。遠離一切生死有。趣菩提樹無障礙。若能清淨其心意。所有惠施於一切。至心受持清淨戒。趣菩提樹無障礙。於諸衆生心平等。常觀煩惱諸過罪。能勝一切下劣乘。調伏衆生於大乘。若有至心受讀誦。具足寂靜戒忍辱。具足智慧壞魔衆。憐愍衆生趣道樹。莊嚴慈悲乘四禪。智慧利刀摧魔衆。道樹下觀十二緣。起已慈衆說大乘。十方衆生乘大乘。乘無增減如虛空。大乘神力巨思議。是故如來修習之。安住念處嚴正勤。如意為足根。勢力遊八正路採覺寶。是故如來趣道樹。其心寂靜離煩惱。壞破諸闇覆智光。是故梵天及帝釋。故禮如來乘大乘。具足六度六神通。具善方便修三昧。能壞諸魔及邪見。是故如來乘大乘。若有具足諸善根。及以成就不善根。有信

則得破煩惱。是故大來難思議。所有一切世間法。及以無上出世法。若有學法無學法。一切攝在大來中。若有眾生行惡道。親近邪見。忘知識。憍慙是華。修方便。為調伏。故說大來。下方不樂於大來。心近不能壞人結。常求自樂。捨餘人。聞說大來。生恐怖。若有智者。具力勢。憐愍眾生。作利益。聞說大來。心歡喜。壞眾苦惱。心不悔。若欲了知眾生行。一切眾生諸界根。菩薩一念能通達。是故大來難思議。得身寂靜。相莊嚴。得口寂靜。眾樂聞。得心寂靜。具神通。如是皆因趣大來。若有人能行大來。是則不斷三寶體。能為眾生作利益。破壞貧窮諸苦惱。能到十方諸世界。現見無量佛世尊。如是趣向大來者。是人即得無量福。一切世間無能勝。趣向無上大來者。具足大力壞魔眾。是故大來難思議。得色得力大自在。梵釋轉輪聖王身。若自視修慈悲。是故大來難思議。持戒精進樂梵行。能以通力障日月。不會著身善果報。修如是來調眾生。說法有受不受者。於是不生瞋愛心。身心勤修大精進。為得難得之大來。能得無上大法王。亦得難息之忍辱。無量劫中受苦惱。為得大來。勝一切。勤作利益多眾生。身口意業悉柔淨。修習慈悲及神通。為住大來大利益。了知法界生滅性。無我無諍調諸根。若能

永樂大典卷三萬二千五百七十六

七

安住於大來。即受安樂如先佛。具足念心及精進。四如意足神通力。依止正法及真義。皆由樂住於大來。具足無上無所畏。能師子吼無上尊。微妙相好自在嚴。皆由樂住於大來。具足三種之神通。調伏教化諸眾生。其心寂靜無憍慢。若行大來。具足辱。具足梵音聲微妙。一切眾生喜樂聞。若樂修習大來者。是人善解眾生語。所作諸業為淨土。不久當得無邊身。若有至心聽。是經。當受無邊無上樂。能遊虛空盡邊際。能知大海水幾淨。不能演說大來德。是故是來難思議。爾時世尊。復告海慧菩薩言。善男子。若欲受持如是等經。欲自寂靜其深心者。應當受持門句法。句金剛句。至心觀察。門句者。一切法中而作門戶。所謂阿字一切法門。阿者言無。一切諸法皆悉無常。彼亦一切法門。彼者即第一義。那亦一切法門。那者諸法無礙。陀亦一切法門。陀者性能調伏一切法性。沙亦一切法門。沙者遠離一切諸法。多亦一切法門。多者一切法如。迦亦一切法門。迦者一切諸法無作無受。婆亦一切法門。婆者一切諸法無有分別。伽亦一切法門。伽者如來正法甚深無底。闍亦一切法門。闍者遠離生相。曇亦一切法門。曇者於法界中不生分別。奢亦一切法門。奢者具奢摩他。得八正道。佉亦一切法門。佉者一切諸法猶如虛空。久亦一切法門。久者一切法盡。若亦一切法

門。若者諸法無礙。毗亦一切法門。毗者一切諸法。是處非處。盡亦一切法門。盡者觀五陰已。得大利益。茶亦一切法門。茶者一切諸法。無有畢竟。迦亦一切法門。迦者身寂靜故。得大利益。至亦一切法門。至者心寂靜故。靜亦一切惡。優亦一切法門。優者受持擁護清淨禁戒。毗亦一切法門。毗者言善思惟。替亦一切法門。替者住一切法。修亦一切法門。修者一切諸法。性是解脫。毗亦一切法門。毗者一切諸法。悉是毗尼。毗尼者調伏已身。時亦一切法門。時者一切諸法。性不染汙。阿亦一切法門。阿者一切諸法。性是光明。婆亦一切法門。婆者修八正道。婆亦一切法門。婆者一切諸法。非內非外。善男子。是名門句。能淨念心。能淨其心。知眾生根。法句者。一切諸法。解脫印。一切諸法。無二印。一切諸法。無常斷印。一切諸法。無增減印。一切法。等如虛空印。一切諸法。五眼通印。一切法。如虛空印。一切諸法。無有分別。如虛空印。一切諸法。八法界印。一切法。如印。一切諸法。無去來現在。如印。一切諸法。本性淨印。一切法。空印。一切法。無相印。一切法。無願印。一切法。無處。無非處印。一切法。苦印。一切法。無我印。一切法。寂靜印。一切法。性無過。善印。一切諸法。第一義攝取印。一切諸法。如法。性住印。一切諸法。畢竟解脫印。一切諸法。無時印。一切諸法。過三世印。一切諸法。味同一印。一

切諸法。性無礙印。一切諸法。性無生印。一切諸法。性無靜印。一切諸法。性無覺。觀印。一切諸法。非色。不可見印。一切諸法。無屋宅印。一切諸法。無對治印。一切諸法。無業果印。一切諸法。無作無受印。一切諸法。無出滅印。善男子。是名法句。如是法句。即是過去未來現在諸佛善提。如是法印句。攝取八萬四千法聚。善男子。若能如是觀法聚者。即能獲得無生法忍。善男子。若有未種善根之人。聞是法已。即得種之。壞於魔業。善男子。若如是觀。即能獲得無盡器陀羅尼。如是等法。悉能攝取八萬四千三昧。八萬四千眾生行性。是名法句。金剛句者。其身不壞。猶如金剛。何以故。法性不壞故。智慧之性能破無明。是故智慧名金剛句。五逆之罪壞一切善。是故五逆名金剛句。不淨之觀能壞貪欲。是故不淨名金剛句。慈心之觀能壞瞋恚。是故慈心名金剛句。觀十二因緣能壞愚癡。是故觀緣名金剛句。一眾生心。攝取一切眾生之心。名金剛句。一眾生心。悉皆平等名金剛句。一佛。一切佛。皆悉平等名金剛句。一一福田。一切福田。無盡平等名金剛句。一切諸法。如虛空等名金剛句。一切諸法。等同一味名金剛句。一切諸法。及以佛法。平等無二名金剛句。金剛三昧。能壞一切諸魔惡業。名金剛句。如來如音。壞諸惡聲名金剛句。觀無生滅。過生老死名金剛句。善

男子。如是等法。名金剛句。名堅牢句。名不壞句。名不破句。名平等句。名為實句。名無二句。不退轉句。大淨寂靜句。無能作過句。不增不減句。無有有句。無有法句。真句。有句。不謗佛句。依法句。共信句。如余句。分別。三世句。勇健句。梵句。慈句。心句。虛空句。菩提句。不低句。法相句。無相句。心意識無住句。破魔句。無上句。無勝句。廣句。行已境界句。入佛境界句。無覺觀句。於法界所不分別。句。無句句。善男子。若有菩薩。能解如是等句義者。必當坐於菩提樹下。金剛師子法座之上。說是法時。八千菩提得入法門陀羅尼。亦復一切眾生平等三昧。爾時十方諸來菩薩。以妙香華。種種伎樂。供養於佛。說偈讚曰。我今敬禮無上尊。能知一切眾生聲。說相無相實一相。而得妙相三十二。若有眾生一。一心。平等攝諸眾生心。說行無行實一行。是故我禮無上尊。如來真實知因果。故為眾生說業報。真如法界非有無。是故我讚無上尊。一切眾生無覺觀。其心本淨無有貪。從因緣故生貪欲。是故我禮真智因。我見佛身種種色。而如來身實無色。悲哀故現無色。我禮人中師子王。一切福田入一田。而是一田無增減。不動法界不轉移。是故我禮人象王。觀諸眾生心如幻。諸法菩提亦復然。知一切法皆平等。是故我禮無平等。觀諸法界悉平等。故說諸法無一二。非有非無是解脫。是故

我禮斷二見。日月可說墜落地。猛風可說索繫縛。須彌可說口吹動。不可說佛有二語。實語真語及淨語。身心清淨如虛空。世法不染如蓮華。是故我禮無上尊。若有能讚如是德。即復如是之功德。我為如是諸功德。敬禮如是功德聚。時諸菩薩。既讚歎已。白佛言。世尊。夫大寶者。所謂佛也。佛出世者。即是樂出。佛出世者。即是信出。佛出世者。即是念出。佛出世者。即是智出。佛出世者。即是施出。我悉精進禪定慧出。佛出世者。即是慈出。慈喜捨出。佛出世者。即是十二因緣法義智出。佛出世者。即是念處。正勤。如意。根力。覺道。一切善法出。爾時眾中。有一菩薩。名曰慧聚。白佛言。世尊。生老病死。出於世者。即是佛出。無明愛出。即是佛出。貪恚癡出。即是佛出。一切疑網煩惱出者。即是佛出。何以故。若如是等法。不出世者。佛以何緣出。現於世。佛言。善哉善哉。善男子。實如所言。爾時海慧菩薩言。世尊。若有不見如是等法。是時如來。為出於世。不出於世。善男子。菩薩初發菩提心時。真實不知如是等法。是故我為而宣說之。善男子。菩薩有四種。一者初發菩提之心。二者修行菩提之道。三者堅固不退菩提。四者一生當補佛處。發心菩薩。見佛色相。見已而發菩提之心。修行菩薩。見佛具足一切善法。見已即發菩提之心。不退菩薩。見如來身。及一切法。皆悉平等。一生菩薩。

永樂大典

卷二二五七七

不見如來所有功德。及一切法。何以故。所得慧眼。了了淨故。斷二見故。淨智慧故。若不見淨。不見不淨。不見淨不淨。不見非淨非不淨。是人即能明見如來。善男子。我昔如是見燃燈佛。見已。即得無生法忍。亦能了了。知得無得。得已。即時上昇虛空。高七多羅樹。處空住已。了了。得知一切法界。了了。知已。心無所住。無所住已。得六萬三昧門。時燃燈佛。即授我記。摩訶汝於來世。當得作佛。號釋迦如來。應供。正徧知。明行足。善逝。世間解。無上士。調御丈夫。天人師。佛世尊。我於爾時。都不聞是授記音聲。亦無佛想。及授記想。我於爾時。三種淨慧。不見我想。不見佛想。及授記想。復有三淨。不見於我。不見眾生。及以正法。復有三淨。不見名。不見色。不見因。復有三淨。見一切陰。悉入法陰。見一切界。悉入法界。見一切入。悉入法入。復有三淨。過去已盡。未來不生。現在不住。復有三淨。觀身如水月。觀聲不可說。觀心不可見。復有三淨。空無相願。若如是見。即是真實見於受記。善男子。若有善薩。作如是見者。是名實見。

永樂大典卷之二萬二千五百七十六